

**Predstavnicima 10 najvećih BIH kompanija iz sektora trgovine: Vlada  
Zakonom o pušenju potiče otkaze u trgovini umjesto da rješava crno  
tržište**

DOM NARODA  
SARAJEVO

Primljeno:	13-03-2017		
Org. jed.	Broj	Priloga	Vrijednost
022	02	414	117

Poštovani,

Obraćamo Vam se u ime 10 najvećih kompanija iz sektora trgovine. Ukupno zapošljavamo više od 14.590 zaposlenika te imamo više od 1.380 prodajnih mjesta.

Nacrt Zakona o kontroli i ograničenoj upotrebi duhana, duhanskih i ostalih proizvoda za pušenje koji je Vlada Federacije BiH poslala u Parlament donosi negativne posljedice po sektor trgovine koje će rezultirati padom ekonomske aktivnosti i smanjenjem broja zaposlenih u sektoru, sa negativnim dugoročnim efektom na privredu Federacije BiH.

Nacrt Zakona "o pušenju" u kontekstu reguliranja trgovine iznimno je drastičan i uvođenjem novih zabrana, posebno potpunom zabranom isticanja duhanskih proizvoda u trgovinama, mnogo je stroži od regulacije u zemljama u okruženju. Takvim nesrazmjernim i paušalnim zabranama Vlada potpuno nepotrebno ugrožava poslovnu klimu i dodatno pogoršava uvjete poslovanja trgovine u Federaciji BiH. Naime, dokidanjem mogućnosti isticanja proizvoda (zabrana stavljanja proizvoda na vidljive police) onemogućava naš dio zarade koji postižemo sa poslovnim partnerima i ugrožava naš opstanak na tržištu.

Ovakav udar na trgovinu, posebno na sektor maloprodaje u kojem je zaposleno više od 50.000 građana, nije opravdan i apeliramo na Vladu Federacije da u parlamentarnoj proceduri izmijeni tekst nacrta.

Iskustva iz drugih zemalja pokazuju kako uvođenje rigoroznih zabrana u trgovini duhanskih proizvoda ne rezultira smanjenjem javno zdravstvenog problema pušenja u BiH, kako se to navodi u nacrtu Zakona. Glavni efekti ovog zakona bit će pad prihoda u trgovini, dodatno omogućiti jačanje crnog tržišta cigareta te povezan pad prihoda u državnom proračunu koji nosi negativne posljedice na velik broj građana Federacije.

Budući da nije bilo javne rasprave o ovom prijedlogu Zakona, ni Ministarstvo zdravstva Federacije BiH ni Vlada Federacije BiH niti u jednom trenutku nisu izložili argumente ili dokaze koji bi opravdali uvođenje rigoroznih zabrana u trgovanju duhanskim proizvodima.

S druge strane, nacrt Zakona ni na koji način ne rješava glavni problem tržišta duhanskih proizvoda u Federaciji, a to je crno tržište koje u BiH iznosi preko 30 posto ukupne potrošnje, po čemu je BiH rekorder u Evropi.

U protekle 4 godine legalno tržište duhanskih proizvoda je smanjeno za 42 posto, zbog čega su trgovci direktno izgubili 55 miliona KM. Dodatno, na crnom tržištu prodaju se neprovjereni duhanski proizvodi loše kvalitete što negativno utječe na zdravlje građana, a državni budžet godišnje gubi više od 210 miliona KM. U Udruženju trgovaca BiH podsjećaju da je značajno povećanje crnog tržišta uslijedilo upravo nakon naglog

uvođenja restriktivnih mjera u pogledu oštro podizanja visine akciza na duhanske proizvode.

Zbog toga apeliramo na Vladu da prije uvođenja novih zabrana fokus politike u ovom segmentu stavi na borbu protiv crnog tržišta jer bi smanjenje crnog tržišta donijelo puno više koristi i za javno zdravlje građana, i za privredu i za državni proračun.

Stojimo na raspolaganju za dodatna pojašnjenja i prezentaciju dodatnih argumenata.

S poštovanjem,

**iNovine BH d.o.o.**

Ajla Alimanović  
Direktorica društva

**BINGO d.o.o.**

Dario Nikolić  
Direktor društva

**HOLDINA d.o.o.**

Ante Aralica  
Direktor društva

**ENERGOPETROL d.d.**

Ante Aralica  
Direktor društva

**KONZUM d.o.o.**

Tomislav Bagić  
Direktor društva

**Duhanpromet d.o.o.**

Abdulah Avdagić  
Direktor društva

**Tobacco Press d.o.o.**

Kenan Avdagić  
Direktor društva

**AMKO d.o.o.**

Muamer Alata  
Direktor društva

**RIVA d.o.o.**

Abdulah Avdagić  
Direktor društva

**PETROL BH d.o.o.**

Bos Bider  
Direktor društva

13.03.2017  
otr. poš. - kurir  
M. Ulikota